



BUXORO VILOYATI BO‘YICHA BANDLIK DASTURI KO‘RIB CHIQLDI

Prezident Shavkat Mirziyoyev

Buxoro viloyatida aholi bandligini ta‘minlashga doir takliflar taqdimoti bilan tanishdi.

Davlatimiz rahbari viloyatlarga tashriflari chog‘ida birinchi galdan ishsizlik masalasiga e‘tibor qaratib, uni kamaytirishni asosiy vazifa qilib qo‘yadi. Bu borada barcha hududlarda mazilli dasturlar amalga oshirilmoqda.

Hozirgi kunda Buxoro viloyatida 1 milliondan ziyod mehnatga layoqatli aholi bo‘lib, shundan 76 ming nafari ishsiz. Har yili mehnat bozoriga 37 mingga yaqin yoshlar kirib kelmoqda. Bularning hammasini inobatga olib, Buxoro viloyatini 2023-2025-yillarda aholisi to‘liq ish bilan ta‘minlangan hududga aylantirish maqsad qilingan.

Buning uchun imkoniyatlar yaratilishi. Masalan, paxta-to‘qimachilik va g‘allachilik klasterlari. Buxoroda 11 ta shunday tashkilot bo‘lib, ular tomonidan sanoat va qishloq xo‘jaligida 94 mingta, shu jumladan, kasanachilikni rivojlantirish orqali 19 mingta ish o‘rni ochilishi mo‘ljallanmoqda.

Mahallalarda sanoat, hunarmandchilik, kasanachilik, chor-

vachilik, savdo va xizmat ko‘rsatish yo‘nalishlarida 57 ta mikromarkaz, ishsizlik yuqori bo‘lgan 98 ta mahallada kichik tikuv sexlarini tashkil etish ko‘zda tutilmoqda.

Joriy yilda 15 ming gektar ekin yerlarini qayta foydalanishga kiritish imkoniyati ham bor. Bu yerlar yangi dehqon xo‘jaliklari tashkil etish uchun aholiga ochiq elektron tanlov asosida taqdim etiladi. Shuningdek, davlat aktivlarini auksionga chiqarish, ularning negizida ish o‘rinlarini ko‘paytirish bo‘yicha takliflar bildirildi.

Umuman, ushbu chora-tadbirlar natijasida joriy yilda 250 mingta ish o‘rni yaratilishi qayd etildi.

Taqdimotda Hindiston bilan hamkorlikda Qorako‘l tumanida IT-klaster tashkil etish loyihasi haqida ham axborot berildi.

Davlatimiz rahbari mazkur takliflarni ma‘qullab, qo‘shimcha topshiriqlar berdi.

O‘ZA

O‘zbekiston Respublikasi Prezidentining
F A R M O N I

SOG‘LIQNI SAQLASH VAZIRLIGI FAOLIYATINI YANADA TAKOMILLASHTIRISH CHORA-TADBIRLARI TO‘G‘RISIDA

Sog‘liqni saqlash sohasidagi islohotlarni izchil davom ettirish, jumladan, boshqaruvni takomillashtirish, sohani rivojlantirishning kelgusi istiqbollari belgilash, tibbiyot muassasalarining moddiy-texnika bazasini mustahkamlash va davlat mulki obyektlaridan samarali foydalanishni tashkil etish orqali sifatli tibbiy xizmatlar ko‘rsatish ko‘lamin kengaytirish maqsadida:

1. Aholining sog‘lom turmush tarzini qo‘llab-quvvatlash va jismoniy faolligini oshirish markazi **Salomatlik va strategik rivojlanish instituti** (keyingi o‘rinlarda — Institut) etib qayta tashkil qilinadi.

2. Quyidagilar Institutning asosiy vazifalari etib belgilansin:
sog‘lom turmush tarzini shakllantirish, yuqumli bo‘lmagan kasalliklarga qarshi kurashish hamda oldini olish bo‘yicha dasturlarni ishlab chiqish va amalga oshirish;

sog‘lom turmush tarzini targ‘ib qilish, zararli odatlarga qarshi kurashish, aholining barqaror tibbiy madaniyatini shakllantirish bo‘yicha kompleks chora-tadbirlar ishlab chiqish va amalga oshirish;

ilg‘or va maqbul xorijiy tajriba asosida sog‘liqni saqlash tizimi faoliyatining ustuvor yo‘nalishlari, o‘rta

muddatli va uzoq muddatli rivojlanish senariylari va strategiyalari bo‘yicha ilmiy asoslangan takliflar ishlab chiqish;

tibbiy statistikani shakllantirish va yuritish, statistik ko‘rsatkichlarni shakllantirishda xalqaro standartlar va metodikalarni joriy etish bo‘yicha takliflar ishlab chiqish, tibbiyot sohasidagi statistik ma‘lumotlarni yig‘ish, qayta ishlash, umumlashtirish, tahlil qilish, tarqatish va saqlash borasidagi ishlarni takomillashtirish.

Belgilansinki, 2024-yil 1-yanvardan Institut va uning hududiy bo‘linmalari xodimlari mehnatga haq to‘lash, moddiy rag‘batlantirish va ijtimoiy himoya qilish shartlariga ko‘ra, tegishli ravishda, **Sog‘liqni saqlash vazirligi va uning hududiy boshqaruv organlari xodimlariga tenglashtiriladi.**

3. Sog‘liqni saqlash vazirligi Institut bilan birgalikda **ikki oy muddatda 2024-2026-yillarda sog‘lom turmush tarzini shakllantirish, to‘g‘ri ovqatlanishni tizimli targ‘ib qilish va ommalashtirish dasturini** ishlab chiqsin va unda, jumladan, quyidagilarni nazarda tutsin:

sog‘lom turmush tarzini shakllantirishga qaratilgan yiliga **25 tagacha**

promo-rolliklar, dastur va teleko‘rsatuvlar tayyorlash;

uyali telefon foydalanuvchilariga kasalliklar profilaktikasi va sog‘lom turmush tarzi asoslari bo‘yicha har kuni qisqa xabarlar (SMS) yuborish;

jurnalistlar va boshqa matbuot vakillari o‘rtasida har yili **“Sog‘lom turmush tarzi bo‘yicha yilning eng yaxshi targ‘ibotchisi”** tanlovini o‘tkazish;

bozorlar, samolyot, poyezd, avtobus, metro, supermarketlar va fuqarolar ommaviy yig‘iladigan boshqa joylarda sog‘lom turmush tarzi bo‘yicha **rolklar** namoyish qilish, **radiomaslahatlar** taqdim qilish va **bukletlar** tarqatishni ta‘minlash.

4. Sog‘liqni saqlash vazirligi xalqaro tashkilotlar va xorijiy konsalting kompaniyalarini jalb qilish holda **2023-yil yakuniga qadar** ilg‘or xorijiy tajriba asosida quyidagilarga asosiy e‘tiborni qaratgan holda **“Aholi salomatligi — 2030” milliy strategiyasi** ishlab chiqilishini ta‘minlasin:

aholini maksimal qamrab olgan holda **birlamchi tibbiy-sanitariya xizmatini** uga yanada yaqinlashtirish;

fuqarolarning **sog‘lom turmush tarzini**, sog‘lom ovqatlanishini va jismoniy faolligini qo‘llab-quvvatlash, ularni aholi orasida **har tomonlama targ‘ib qilish**;

onalik va bolalikni muhofaza qilish, aholining bu boradagi ehtiyojlarini qondirish;

ixtisoslashgan tibbiy yordam ko‘lamini kengaytirish; sog‘liqni saqlash tizimini **to‘liq raqamlashtirish**, qog‘ozbozlikka, asossiz byurokratiyaga va navbatlarga chek qo‘yish, aholiga tibbiyot muassasalariga murojaat qilganida qulayliklar yaratish;

zamonaviy va samarali **boshqaruv usullarini** joriy qilish va **tibbiy xizmatlar sifatini** oshirish;

kadrlar salohiyatini oshirish, tibbiy ta‘lim va ilm-fanni rivojlantirish;

xususiy sektorni rivojlantirish va **investitsiyalarni jalb qilish** hamda yirik **davlat-xususiy sheriklik** loyihalarini amalga oshirish;

tibbiyot muassasalarining **moddiy-texnika bazasini mustahkamlash**; **farmatsevtika tarmog‘ini** samarali tartibga solish.

5. Quyidagilar Sog‘liqni saqlash vazirligi **tuzilmasiga o‘tkazilsin**:

Farmatsevtika tarmog‘ini rivojlantirish agentligi;

2024-yil 1-yanvardan Davlat tibbiy sug‘urtasi jamg‘armasi.

Davomi 2-betda

XALQARO KONFERENSIYA



OZIQ-OVQAT XAVFSIZLIGI VA OVQATLANISH SIFATI

SAMARQAND SHAHRIDA MAZKUR GLOBAL MASALA
BO‘YICHA XALQARO KONFERENSIYA ISH BOSHLADI



Bozorlar globallashtirish va dunyo aholisi o‘sishi davom etar ekan, oziq-ovqatga bo‘lgan ehtiyoj oshib, ta‘minoti ham murakkablashib boraveradi. Har bir mamlakat oziq-ovqat xavfsizligini tartibga solish bo‘yicha o‘z tartiblari, qonunlari va amaliyotini belgilaydi. Bu qoidalar boshqa davlat va mintaqalar talablaridan farq qilishi mumkin. Demak, mahsulotlarni tashqi bozorga olib chiqish oziq-ovqat xavfsizligi va iste‘molchilar huquqlarini himoya qilish qonunlariga qat‘iy rioya qilishni talab etadi.

Oziq-ovqat ta‘minoti va xavfsizligi har doim keng qamrovli ijtimoiy-iqtisodiy, demografik va ekologik omillarga bog‘liq. Shu bois, mamlakatimizda dunyo bozorlarida yuzaga kelgan kes-

kin tebranishlarning ichki bozorni oziq-ovqat mahsulotlari bilan ta‘minlashga salbiy ta‘sirini kamaytirish maqsadida oziq-ovqat xavfsizligi va ovqatlanish sifatini sezilarli darajada yaxshilash,

aholi salomatligi uchun ko‘plab xavf omillarini kamaytirish imkonini beradigan bir qator muhim chora-tadbirlar qabul qilindi.

Davomi 3-betda

FIKR

TA‘LIMNING KALITI NUTQ, TARBIYANIKI ESA XULQ

Ta‘limdagi samaradorlik o‘qitish sifatiga bog‘liq. Shu o‘rinda bir karra bilim berish ikki karra o‘z ustida ishlash ekanini ham unutmaslik zarur. Zotan, ta‘lim berishning o‘ziga xos mashaqqati va rohati bilan birga muhim usul va uslublari bor. Bilish boshqa, uni yetkazish va amal qilish mutlaqo boshqa. Ilm-u amal birligi bo‘lmasa, samara haqida gapirish mumkin emas. Sifatli ta‘lim masalasi, avvalo, intellektual salohiyatga ega, zamonaviy bilim va texnologiyalardan xabardor, teran tafakkurli, dunyoqarashi keng muallimga bog‘liqligi ayni haqiqat.

Davomi 5-betda

DAXLDORLIK

YUTUQLAR O‘ZIMIZNIKI, KAMCHILIKLAR-CHI?

Ularni ham begona ko‘rmay,
tuzatish zimmamizda

Shu yil 28-avgust kuni yangi o‘quv yili arafasida maktab ta‘limidagi masalalarni muhokama qilish va ustuvor vazifalarni belgilab olish yuzasidan o‘tkazilgan videosektor yig‘ilishida o‘quvchilar o‘rnini ko‘paytirishga alohida to‘xtab o‘tildi. Kelgusi yilda investitsiya dasturi doirasida maktablar qurilishiga 3 trillion so‘m ajratilishi, buning hisobiga 150 ming yangi o‘quvchi o‘rni yaratilishi aytili.

Davomi 5-betda

NUQTAYI NAZAR



Dastlabki savdolar nimalardan dalolat bermoqda?

Jahonda global integratsiya va xalqaro raqobat kuchayishi sharoitida xo‘jalik yurituvchi subyektlar, iqtisodiyot tarmoqlari o‘rtasida kapitalni jamlash hamda qayta taqsimlash funksiyasini bajaruvchi qimmatli qog‘ozlar bozorining ahamiyati tobora ortib bermoqda. Jumladan, so‘nggi yillarda davlat mulkini xususiy lashtirishning urf bo‘layotgan zamonaviy turlaridan biri — IPO (Initial Public Offering), ya‘ni aksiyalarni birlamchi ommaviy joylashtirish rivojlangan mamlakatlarda kompaniyalar tomonidan investitsiyalarni jalb qilishning asosiy manbai sifatida foydalanilyapti.

Davomi 4-betda

YANGI HAYOT UCHUN, YANGI O‘ZBEKISTON UCHUN!

BU YERLARDA YASHASHNING zavqi bo‘lakeha

Cho‘l deyishga til bormaydi

O‘tgan asrning o‘rtalarida qum barxanlari o‘rnida bunyod etilgan Yozyovon tumani haqida gap ketsa, “qush uchsa qanoti, odam yursa oyog‘i kuyadi”, deya ta‘rif berilgan. Bu bejiz emas. Markaziy Farg‘ona yerlarining qoq markazida joylashgan bu hududning issiq harorati, izg‘irinli kuz-qishida jon saqlashning o‘zi amrimahol bo‘lgan.

Yaxshi umidlar, ezgu maqsad yo‘lida bu yerni Vatan tutgan yozovonliklar cho‘l yerlarni o‘zlashtirib obod maskanga

aylantirdi. Endilikda bu joylarni “cho‘l” deyishga til bormaydi.

Keng va ravon yo‘llar, zamonaviy ishlab chiqarish tarmoqlari yaratildi. Xalq farovonligi, yurt obodligi yo‘lida amalga oshirilayotgan bunyodkorliklar nafaqat tuman markazi, balki chekka qishloqlarda ham bo‘y ko‘rsatmoqda. Obod qishloq va mahallalar, xizmat ko‘rsatish sohalari mujassam bo‘lgan majmualar, sport, dam olish inshootlari, bog‘cha, maktablar, qo‘yngiki, aholi kundalik hayoti uchun muhim bo‘lgan shart-sharoit yaratilmoqda.

Davomi 4-betda

